

有千試推過上真金鈿前裁臣天後形屠割
鬼棄風火无停千千裁首万万剪形魔无干
犯鬼无妖精三官北酆明檢鬼營不得容隱
金馬驛呈普告无窮万神咸聽三界五帝列
言上清

无洞玉曆龍漢迄康眇眇億劫混沌之中上
无復色下无復捌風澤洞虛金剛乘天天上
天下无幽无真无形无影无極无窮溟滓大
梵遼廓无光赤明開闔運度自然无始安鎮
敷落五篇赤書玉字八威龍文保制劫運使
天長存梵氣弥羅万範開張无網流演三十
二天輪轉无色周迴十方提計應其迴度五
常三十五分樞氣上无八景真合氣入玄玄
玄中太皇上帝高真汎景太霞嘯詠洞章金
真朗郁流響雲營玉音攝氣靈風聚烟紫虛
鬱秀輔翼万仙千和万合自然成真真中有
神長生大君无英公子白无尊神太一司命
桃康合运執符把錄保命生根上遊上清出
入華房八真之内細微之中下鎮人身泥丸
絳宮中理五氣混合百神十轉迴靈万氣齊
仙仙道貴生无量度人上開八門飛天法輪
罪福禁戒宿命回緣普受開度死魂生身身
得受生上聞諸天諸天之上各有生門中有
空洞謠歌之章魔王靈篇辭參高真
第一欲界飛空之音人道眇眇仙道莽莽鬼
道樂兮當人生門天道貴生鬼道貴終仙道

第一欲界飛空之音人道眇眇仙道莽莽鬼
道樂兮當人生門天道貴生鬼道貴終仙道
常自吉鬼道常自凶高上清靈爽悲歌朗太
空唯願仙道成不欲人道窮北都泉曲府中
有万鬼群但欲遏人竿斬截人命門何人歌
洞章以攝北羅酆束送妖魔精斬馘六鬼
鋒諸天氣蕩蕩我道日興隆

第二色界魔王之章落落高張明氣四賽梵
行諸天周迴十神元量大神皆由我身我有
洞章万遍成仙仙道貴度鬼道相連天地
眇莽穢氣氣氣三界樂兮過之長存身度我
界體入自然此時樂兮薄由我思龍漢蕩蕩
何能別真我界難度故作洞文變化飛空以
試尔身成敗懈退度者幾人咲尔不度故為
歌音

第三无色界魔王歌曰三界之上眇眇大羅
上无色根雲隋我我唯有元始皓劫之家部
制我界統承玄都有過我界身入玉虛我位
上王主御衆魔空中万變穢氣絲葩保真者
少迷惑者多仙道難固鬼道易邪人道者心
諒不由他仙道貴實人道貴華尔不樂仙道
三界那得過其欲轉五道我當復奈何

此三界之上飛空之中魔王歌音音參洞章
誦之百遍名度南宮誦之千遍魔王保迎万
通道備飛昇太空過度三界位登仙公有聞
靈音魔王敬形勅制地祇侍衛送迎扶出地
戶五苦八難七祖昇遷永離鬼官魂度朱陵

靈音魔王敬形勅制地祇侍衛送迎扶出地戶五苦八難七祖昇遷永離鬼官魂度朱陵受鍊更生是謂无量普度无窮有秘上天文諸天共所崇泄悞墮地獄福及七祖翁

道言此二章並是諸天上帝及至靈魔王隱秘之音皆是大梵之言非世上辭言无韻麗曲无華究故謂玄奧難可尋詳上天所寶

秘於玄都紫微上宮依玄科四万劫一傳若有至人賣金寶質心依具格告盟十天然後而付焉

道言夫天地運度亦有否終日月五星亦有虧盈至聖神人亦有休否未學之夫亦有疾傷凡有此灾同氣皆當齋心脩齋六時行香十過轉經福德立降消諸不祥无量之文普度无窮

道言夫未學道淺或仙品未充運應滅度身經太陰臨過之時同學至人為其行香誦經十過以度尸形如法魂神迁上南宮隨其學功計日而得更生轉輪不滅使得神仙

道言夫天地運終亦當脩齋行香誦經星宿錯度日月失昏亦當脩齋行香誦經四時失度陰陽不調亦當脩齋行香誦經國主有灾兵革四興亦當脩齋行香誦經疫毒流行人民死傷亦當脩齋行香誦經師友命過亦當脩齋行香誦經夫齋或誦經功德甚重上消天灾保鎮帝王下懷毒害以度兆民生死受

脩齋行香誦經。夫齋戒誦經。功德甚重。上消
天災。保鎮帝王。下攘毒害。以度兆民。生死受
賴。其福難勝。故曰。元量。普度天人。

道言。凡有是經。能為天地帝王。兆民行。是功
德。有災之日。教心脩齋。燒香誦經。十過。皆諸
天記名。万神侍衛。右別至人。尅得為聖。君金
闕之臣。諸天記人。功過。豪尔。无失。天中。魔王
亦保舉。尔身得道者。乃當洞明至言也。

諸天中大梵。隱語。元量音。道君撰。元始靈書。篇
賈樓阿耨。元秘觀音。須臾明首。法攬。菩曇
稼那阿弁。忽訶流吟。華都曲麗。鮮菩育臻。

答洛大梵。散烟慶雲。飛灑玉都。明魔上門。
元行上首。迴蹕流玄。阿陀龍羅。四象吁負。

南焰洞浮。玉眸詵詵。梵形落空。九靈推前。
澤洛菩曇。緣羅大千。眇莽九醜。韶謠緣賈。
雲上九都。飛生自騫。那育郁馥。摩羅法輪。

泓持元鏡。攬姿運客。韻朗廓弁。神纓自害。
刀利禪猷。婆娑谷通。宛藪祿色。太眇之堂。

流羅梵萌。景蔚蕭颯。易邈元赫。宛首少都。
阿濫郁竺。華漢遂由。九開自辯。阿那品首。

元量扶蓋。浮羅合神。玉誕長桑。栢空度仙。
攬元自育。九日道乳。川母東霞。形攝上玄。

陀羅育邈。眇氣合雲。飛天大醜。嵒監上天。
沙陀劫量。龍漢瑛鮮。碧落浮黎。空歌保珍。

惡卉元品。洞妙自真。元梵恢漠。幽寂度人。

道言。此諸天中大梵。隱語。元量之音。舊文字。

惡弄元品洞妙自真 元梵恢漠幽寂度人
道言此諸天中大梵隱語元量之音舊文字
皆廣長一丈天真皇人昔書其文以為正音
有知其音能齋而誦之者諸天皆遣飛天神
王下觀其身書其功勳上奏諸天万神朝礼
地祇侍門大勳魔王保舉上仙道備尅得
遊行三界昇入金門

此音无所不辟无所不攘无所不度无所不
成天真自然之音也故誦之致飛天下觀上
帝遙唱万神朝礼三界侍軒群妖束首鬼
精自云琳琅振響十方肅清河海靜嘿山岳
吞烟万靈振伏招集群仙天无氛穢地无妖
塵真慧洞清元量玄玄也

太上洞玄靈寶無量度人上品妙經

